



Datum: 26.11.2025.

Poziv za mala i srednja preduzeća

Besplatna online obuka „Road to Export“ za izvoz na tržište Švedske i EU

Eda - Agencija za razvoj preduzeća, Fondacija Mozaik i SERDA - Sarajevska regionalna razvojna agencija pozivaju mala i srednja preduzeća iz Bosne i Hercegovine da se prijave za besplatnu online obuku „Road to Export“, namijenjenu jačanju kapaciteta za izvoz na tržište Švedske i Evropske unije.

Obuka je namijenjena prvenstveno malim i srednjim preduzećima iz Bosne i Hercegovine koja žele da izvoze robu ili usluge na tržište Švedske i Evropske unije.

Uz podršku Švedske i programa SPRING, koji zajednički realizuju Eda, Fondacija Mozaik i SERDA, obuku organizuje [OTGS - Open Trade Gate Sweden](#), dio Švedskog nacionalnog odbora za trgovinu (National Board of Trade Sweden). Obuka je namijenjena kompanijama iz zemalja sa niskim i srednjim prihodima kako bi ojačale svoje izvozne kapacitete prema Švedskoj i EU, pri čemu poseban fokus stavlja na izvozno orijentisane kompanije iz BiH, kojima donosi praktična znanja, alate i samopouzdanje za izlazak na švedsko i šire EU tržište.

Kroz praktičan pristup, obuka pomaže polaznicima da identifikuju proizvode spremne za izvoz, razumiju EU regulative, analiziraju potencijal ciljnog tržišta i razviju konkretne, primjenjive izvozne strategije prilagođene švedskim kupcima. Poseban fokus se stavlja na korištenje alata za istraživanje tržišta, rad sa trgovinskom statistikom i razumijevanje uslova ulaska na EU tržište.

Obuka kombinuje samostalno online učenje i interaktivne online sesije. Učesnici će se se prvo upoznati sa Open Trade Gate Sweden i platformom „Road to Export“, a zatim će samostalno proći online module koji se odnose na klasifikaciju proizvoda, istraživanje tržišta, trgovinsku statistiku i zahtjeve za ulazak na EU tržište.

Ukupno očekivano trajanje obuke je oko **15 sati**, raspoređenih u periodu od **pet do šest sedmica**, što omogućava polaznicima da savladaju planirane sadržaje sopstvenim tempom. Program takođe uključuje i smjernice za **promociju i pripremu konkretnog izvoznog plana**. Obuka se odvija na **engleskom jeziku**.

Uvodna online sesija biće održana 16. decembra.

Pozivamo zainteresovana preduzeća da se **prijave najkasnije do 10. decembra** putem online obrasca <https://bit.ly/putdoizvoza>

Broj učesnika na obuci je ograničen, a u slučaju prijave većeg broja kandidata biće izvršena selekcija, pri čemu će prednost imati kompanije koje su prve dostavile Prijavni obrazac.